



辛卯(2011)年祭孔大典祭文

杨朝明

维公元2011年9月28日,岁在辛卯,至圣先师孔子诞辰2562周年,山东各界人士、港澳台同胞、海内外宾朋,谨备蔬果鲜花,献以乐舞,敬告夫子之圣灵。

煌煌中华,郁郁文明,唐虞稽古,夏商又宁。文武周公,天下景从。嗟我夫子,降诞昌平。少贱鄙事,博学多能。通天之德,旁彻物情,金声玉振,爰集大成。乾坤并立,日月代明,阴阳合和,万物蒸蒸。首出庶物,人为秀灵。礼自外作,乐由心生。好恶有节,敬德怀刑。言则忠信,行则笃敬。和而不流,与时偕行!为政以德,仁爱百姓。举直措枉,尚贤使能。知民之欲,察民之情,富而后教,德化流行。远来近悦,万邦咸宁。大哉夫子,既圣且明,出类拔萃,卓乎独盛。垂仪立极,百代同宗。三千弟子,惟道是弘。章句汉唐,义理宋明。远播欧美,泽及亚东,夫子精华,代代相承。秋高气爽,玉宇澄清,社会和谐,物阜民丰。巍巍神州,荡荡德风,仁爱诚信,中华魂灵。济济多士,众志成城;融古铸今,中西会通,而今而后,乃昌乃隆。炎黄子孙,祈禘鞠躬:四海一家,天下大同!伏惟尚飨!

丁亥(2007)年祭孔大典祭文

杨佐仁

清风送爽,海晏河清。国泰民安,举国欢腾。时逢中华文化先祖孔子诞辰2558周年,海内外宾朋,世界各地华人华侨,港澳台同胞,谨备鲜花礼乐,肃立于曲阜孔庙大成殿前,恭祭孔子诞辰。其文曰:

海右山东,岱南奎星。圣诞吉日,鼓乐奏鸣。黄河讴歌,泰山挺松。飞泉激液,嘉卉吐红。日月增光,齐鲁夸荣。西振河源,东瀚海瀛。北动玄土,南耀朱岭。环球华裔,额首隆庆。侨胞同胞,根连脉通。亚非欧美,百校名孔。奥林匹克,喜临京城。五洲四海,睹我雄风。大同非梦,人类有情。圣哲先导,万邦风从。我辈协力,盛世太平。风发飙扬,巖拂云中。天地人和,万物繁盛。与时偕进,和谐化生。天和雨顺,地和物丰。家和事兴,国和人定。仁者爱人,和而不同。忠孝首善,修齐治平。为政以德,气正风清。见利思义,躬行自省。政通人和,德道常青。农工商旅,百业同兴。教科文卫,人本民生。生态环保,天人一行。原隰郁茂,畎浍流清。芳草绿堤,粳谷盈丰。城如盛楼,货殖纵横。翰墨奋藻,学子书英。大国崛起,自强不陵。一飞冲天,华夏振兴。励精图治,众志成城。万代功业,待我后生!伏惟尚飨!

庚寅(2010)年祭孔大典祭文

许嘉璐

维公元2010年先师孔圣夫子生日,谨备时蔬玄酒,雅乐升舞,恭奠于大成殿阶下,肃拜追远,上达夫子暨诸先哲先贤。其辞曰:

吾国文明,渊源何远!洪荒无征,蒙昧万年。既历三皇,五帝相衍;贤哲冥思,归之鬼天。吾侪何来?终将何还?何者为福?何者为善?生应何求?何为圣贤?茫茫长夜,踽踽盘桓。逮及文武,民听达天。周公制礼,明德尚贤。享祚八百,维系血缘。尾渐不掉,王室东迁。霸者问鼎,逐鹿中原。强则陵弱,富者欺寒。悖逆诈伪,淫佚兴乱。岁岁征伐,竟无义战。呜呼夫子,生悯人寰。少贱多能,屡经磨练。复礼兴乐,欲挽狂澜。己立立人,孝弟唯先。修齐治平,悦迩来远。游说列国,不惧厄难。杏坛论学,大同是盼。人心馥郁,晨曦乍现。道虽不行,学统绵绵。与时俱进,巨匠迭见。孟轲弘发,荀卿敷衍。董生继后,道法兼含。南北一统,合而有辨。孔贾恪守,昌黎呐喊。迄宋大兴,如日中天。程朱相续,周张并肩。出入佛道,孔孟真传。人参天地,敬而自反。天理良心,理学体完。知行合一,世界峰巅。沉沉浮浮,倏尔千年。伟哉中华,千劫万艰。百折不挠,国泰民安。环顾全球,熙攘纷乱。一如春秋,冲突不断。弱肉强食,贪欲泛滥。嗟我夫子,所述皆验。文明对话,五洲共愿。仁恕之道,日益播散。促进和睦,中华奉献。谨此上述,慰我圣贤。伏惟上飨!

丙戌(2006)年祭孔大典祭文

杨佐仁

岁在丙戌,节届仲秋,先师诞辰,二五五七,曲阜人民,孔子后裔,两岸同胞,四海宾朋,大成殿前,肃穆祭礼。文曰:

洙泗流带,沃野万壑。尼峰滴翠,回峰千重。白云舒卧,紫霞纵横。红缠杏坛,绿掩碑亭。古城墉堞,圣庙龙腾。诞圣吉日,鼓乐奏鸣。嘉卉六醴,果饼三牲。童子俎豆,耄耋礼容。同根一脉,两岸祭孔。共缅先师,追远慎终。志道据德,心正意诚。节用爱民,修齐治平。为政北辰,身正令行。见利思义,后凋寒松。近悦远来,躬身自省。博文约礼,弘毅任重。己所不欲,勿施人行。仁义宅居,诚信韧衡。忠孝首善,礼法持恒。中道不倚,恕道宽容。以和为贵,华夏一统。乾坤氤氲,和谐化生。天和雨行,地和物丰。家和事兴,国和人定。万邦和谐,世界和平。遗训在耳,发聩振聋。高山仰止,桴海道兴。联合国奖,以孔命名。亘古首屈,文教巅峰。百所学院,遍及九瀛。黄发碧目,学在泮宫。五洲四海,章甫诵经。赞誉远播,天下服膺。故里乡亲,蹈德践行。幼学长教,老养壮用。诚信工商,让畔桑农。居如图藻,行掣电风。盛世再现,小康初成。天击缶鼓,海铄震庭。河山舞姿,日月霓虹。龙颯鳞爪,凤翥翼翮。魂兮归来,又梦大同。伏惟尚飨!

己丑(2009)年祭孔大典祭文

范曾

周室颓隳,礼乐废弛,九州失驭。战伐出于诸侯,列国窥窃神器。

春秋之末,仲尼起于陬邑,感万方之多难,乃驰驱以宣教。冀辅弼于乱世,欲敦厉于黎庶。然则宫寝遂远,王者不悟。有楚狂接舆歌而过之,痛誉凤德之衰,切悲庙堂之殆。往者不谏,来者可追,孔子乃归鲁,不复出游。

述而不作,非谓徒托空言,追往事,思来者,愚明镜而作《春秋》,立极则以昭万代。凤鸟不至,河图不出,忧古道之不彰也;久矣吾不复梦见周公,伤往哲之益远也。遂力倡仁恕中和之道,克己复礼之德。

播雨杏坛,天下士赴之如万类之附麟凤。若颜渊、子路、公冶长、有子、子张、子贡、曾子七十二贤列坐其次,三千学子,相望于道。仲尼自云:吾少也贱,故多能鄙事。乃谆谆以告诸君子,知任重而道远,期弘毅以自励。世幽昧以炫耀,独好古而敏求。视富贵如浮云,思贤若渴,闻义即能。不降其志,不辱其身。夫子者,其集微子、箕子、比干之懿德嘉行于一身者也。世人以夫子为木铎,非无由也。颜渊喟然而叹曰:“仰之弥高,钻之弥坚,瞻之在前,忽焉在后”,是高弟子之敬仰,亦足为万代所共祀者也。荆玉含宝,幽兰怀馨,此孔学之无尽藏也。

延越百余载,孟子起于邹而倡义,与孔子之倡仁相辅佐。又越三百载,汉武独崇儒术,乃有毛亨、郑玄之辈为之途,董仲舒之属演其说。再越千二百年,南宋理宗朝濂、洛、关、闽之学,勉心景迹,遂成大观,共祭诸孔庙。更越千载,日月虽迈,诵说犹馨,百川竟乎孔子之门庭,孔学之克守,于今愈胜,孔子学院,遍列全球,蔚为人类文化之奇观。

世变事异,而孔学不衰者,以“仁者爱人”、“先欲达人”为尾勉天下之襟抱;“己所不欲,勿施于人”则厚望瀛海以高节。唯和衷以共济,讲信而脩睦。此足称万国邦交之极则,亦各族和谐之宏观。遗训虽远,践行在兹,岁寒松柏,历千万龄而不凋,其非孔子博怀之远猷,而周瞻之大略歟?巍巍陵寝,郁郁巨柏,云霄万古,黛色参天。仰瞻烟霞,伏增肃敬,焚香再拜,赋以永祷。

乙酉(2005)年祭孔大典祭文

杨佐仁

维公元二00五年九月二十八日,岁次乙酉,孔子诞辰两千五百五十六年,曲阜市各界人士、海内外宾朋,孔子后裔,满怀崇敬之情,谨备鲜花雅乐,恭祭我中华先师。其文曰:

海右山东,岱南奎星。垣墙环抱,岸柳梳拢。玉树攀云,紫叶吟虹。水含沓浦,草铺鸾鸣。歌动八垠,舞牵九瀛。全球祭孔,五州同风。设奖开坛,薪火传承。春秋绝笔,诗礼趋庭。植桧蔽庭,宅井鸿蒙。高山景行,杏坛铎盈。文脉赓延,海域再兴。百所学院,有孔命名。千年儒流,今古汇通。天人合一,与时偕行。仁者爱人,和而不同。阴阳和谐,执两用中。和生万物,万物和兴。天道和运,地势和行。家国内睦,世界和平。圣城曲阜,物阜文丰。华夏标志,百里新城。政通人和,德道常青。小康初成,大同在梦。欣逢盛世,强国威风。宝岛盼归,华夏一统。旭日中天,巨龙飞腾。鲲鹏碧海,鹏登蟾宫。四海翘首,八方叹惊。继往开来,待我后生!伏惟尚飨!

戊子(2008)年祭孔大典祭文

金庸

岁在戊子,节届国庆,时逢中华文化先祖孔子诞辰2559年,海内外宾朋,港澳台同胞,世界各地华人华侨,谨备鲜花礼乐,肃立于济宁市曲阜孔庙大成殿前,恭祭夫子诞辰。文曰:

清风送爽,海晏河清。国泰民安,举世欢腾。北京奥运,万邦风从。五洲四海,睹我雄风。世界同运,人类一梦。中华崛起,国和人定。为政以德,气正风清,有教无类,修齐治平。国之将兴,听命于民,博我以文,删正六经。述而不作,信而好古,为之不厌,不倦诲人。今我立国,秉承遗教:忠孝首善,礼法持恒,中道不倚,和恕宽容,以和为贵,华夏一统,万邦和谐,世界和平。盛世再现,小康初成。见利思义,仁为己任,中和至德,自强不息。生态环保,天人一行。夫子圣教,百代维新。孜孜不懈,永秉传承。伏惟尚飨!

甲申(2004)年祭孔大典祭文

杨佐仁

维公元2004年9月28日,岁在甲申,节届中秋,先师孔子诞辰2555年,曲阜各界代表,海内外宾朋,孔子后裔,肃立大成殿前,谨以鲜花雅乐,恭祭先师孔子。文曰:

文圣吾祖,恩泽海宇。千古巨人,万世先师。欣逢盛世,物阜民熙。高岸秀木,惟恐失序。居安思危,重振纲纪。以德治国,德法兼济。幸赖圣儒,万代垂仪。道贯古今,德侔天地。杏坛春晖,泮池桃李。三坟五典,六经古籍。薪火传承,百代不熄。而今吾辈,见贤思齐。任重道远,弘扬承继。依仁志道,据德游艺。仁为己任,见利思义。中和至德,过犹不及。和协万邦,摒弃暴戾。刚健有为,自强不息。与时偕进,创新活力。清风遍拂,神州万里。群情振奋,勃发骀骥。文化名城,通衢如砥。碧树花团,芬葩争奇。百业兴隆,日新月异。近悦远来,治平修齐。老养壮用,兆民甘怡。儒风犹在,先圣故里。慎终追远,奋吾国臂。继往开来,同德凝聚。东方巨龙,吼啸腾起。四海擎天,有吾一臂。长鲸吞吐,丹凤鼓翼。揽月追日,神舟环宇。告慰先祖,盛世在即。大同世界,四海兄弟。世界和平,假期可期!